

Postavljanje kamena temeljca za izgradnju informativno- edukativne kuće

U prisustvu brojnih zvaničnika Bosansko-podrinjskog kantona Goražde, danas je na lokalitetu Posestra u kompleksu „Memorijalna šuma 8372“ položen kamen temeljac za izgradnju informativno-edukativne kuće u sklopu projekta „Uređenje Spomen parka „Srebrenica 8372“ i izgradnja zabavnog i tematskog igrališta“.



Slika br.1. Idejno rješenje projekta

U ovaj projekt koji će pored historijskog imati i turistički značaj, ukupno će biti uloženo 100.000 KM. Ministarstvo turizma i okoliša FBiH odobrilo je 67.000 KM, a dio sredstava osigurat će Vlada BPK Goražde i JP „Bosansko-podrinjske šume“ d.o.o. Goražde.

Projektni cilj uređenja Spomen parka Srebrenica 8372 i izgradnje zabavnog i tematskog igrališta je da ojačaju identitet grada, poboljšavaju njegovu privlačnost za rad, ulaganje i turizam, da vrše dekorativno-estetsku ulogu, zato ti prostori mogu pridonositi pozitivnom kvalitetu života.

Uređenjem Spomen parka Srebrenica 8372 omogućio bi se dolazak većeg broja turista koji bi imali priliku upoznati detaljnije se upoznati sa historijom Bošnjaka na prostoru Srebrenice. Izgradnjom dječijeg igrališta, kao izdvojeni tip otvorenih, najčešće zelenih javnih površina, je da se stvori prostor za sigurnu dječju zabavu ali istovremeno pruži djeci poticajan okvir u kojem mogu razvijati čitav niz tjelesnih i mentalnih sposobnosti, naučiti ih stjecati prijatelje, omogućiti im igru u društvu i samostalnu igru. Sprave bi trebale razvijati koordinacijske sposobnosti i osjećaj ravnoteže

Aktivnosti koje će se provoditi u sklopu realizacije projekta su:

I – Uređenje Spomen parka Srebrenica 8372

II – Izrada zabavnog i tematskog igrališta

U prvom dijelu projekta planirano je uređenje spomen parka Srebrenica 8372 na lokalitetu Posestra, Grad Goražde, gdje bi se radilo na uređenju cvijeta " Sjećanje " 8372 i sadnja hortikulturnih vrsta i to :

100 kom Iberis sempervirens u 11 latica- koji simboliziraju 11 datum u mjesecu

7 kom Buxus sempervirensa , u centralni dio cvijeta koji ukazuju na 7 mjesec(Juli.)

Također, planirana je sadnja 50 kom Ligustrum vulgare, koje bi se nalazile uz drvene stubove, i koje bi na taj način predstavljale ogradu oko Spomen parka.

U okviru drugog dijela projekta planirana je izrada tematskog i zabavnog parka , koji bi se nalazio , naspram Spomen parka Srebrenica 8372 i sadržavao bi niz zanimljivih sadržaja, kako za djecu tako i za odrasle.



Slika br.2 Prikaz informativno edukativne kuće

Realizacija projekta bi se vršila u nekoliko faza i to:

- Uređenje puta do igrališta
- Priprema površine za izradu igrališta
- Ugradnja elemenata koje će sadržavati igralište (set kula za djecu, ljuljačka sa gumom, mala dječija klackalica, velika klackalica za 4 osobe, vrtuljak, kombinovana ljuljačka.)

Postavljanje kamena temeljca za izgradnju informativno- edukativne kuće

Autor Administrator

Petak, 23 Mart 2018 13:02 -

- Postavljanje drvenih klupa i kanti za otpatke pored kojih će se zasaditi hortikulture vrste drveća, koje će da osiguravaju prirodan hlad za djecu i odrasle.
- Izgradnja odbojkaškog igrališta
- Izgradnja ' Informativno-edukativne kuće ' –kuća je izrađena od od drveta, uređena u duhu starih bosanskih kuća sa drvenom terasom, gdje će se posjetioци moći odmoriti i uživati u ambijentu stare bosanske kuće.



Postavljanje kamena temeljca za izgradnju informativno- edukativne kuće

Autor Administrator
Petak, 23 Mart 2018 13:02 -

Slika br.3 Postavljanje kamena temeljca